

禹貢易知編

禹貢易知編卷九

丹徒李慎儒鴻軒氏輯

男

壽

敬啟

校字

圻曹用霖全校

黑水西河惟雍州

案釋文雍於用反或曰今陝西鳳翔府西北有雍山雍水出焉雍州之名

以此或曰雍壅也四面有山壅塞爲固也又或曰雍州西北之位陽所不及陰氣壅遏故以爲名漢改雍州爲梁州以地處西方常寒涼也

蔡傳雍州之域西距黑水

案唐魏王泰括地志黑水出伊州伊吾縣北東南流

至鄯州又東南至河州入黃河伊州伊吾縣北東南流今此水上源爲沙所壅塞無可考下流卽大通河歷西寧府東邊南至河州入黃河與括地志相合黃河流過積石北則大通河入之南

則大夏河注之二水入河之口南北相值孔安國不知梁雍二州各有一黑水導水又別一黑水以爲三黑水卽一水發於雍穿黃河以達梁而入南海後人本之遂指大夏爲黑水絕河而南之迹不知大夏雖在黃河之南實仍在南山之北且其源自南而北與山南入海之水絕不相通也其二黑水源流詳見導水下東距西河謂之西河者主冀都而言也案正義案詁雍州之東而謂之西河者以冀州西界故王制云白東河至於西河千里而近是河相對而爲東西也案夏之芳曰雍州以渭水爲主曰屬者屬於渭如貫珠之相連曰從者從於渭如少長之相隨曰同者同於渭如彼我之相敵蓋惟入河則渭治惟渭治故眾水治也

又案雍州爲奧區神皋后稷封邰公劉處豳太王徙

岐文王作豐武王治鎬及扈崇密須之封皆在焉春

秋時可考者號

西號也文王弟所封國

周召畢豐鄭

鄭初封咸林之地漢

爲鄭縣屬京兆今陝西同州府華州城北卽鄭桓公所封邑也

秦芮梁崇密驪戎白

狄晉

晉之西域

凡十四國戰國時屬秦而魏趙亦得兼得

其地今陝西西安鳳翔延安同州榆林五府乾鄠鄜

綏德四州甘肅蘭州平涼慶陽鞏昌寧夏西寧涼州

甘州八府涇肅二州鎮西洮州二廳及秦州之秦安

清水禮縣徽縣四縣之西南邊自岷州

鞏昌府屬州

洮州

廳外至大積石山

蒙古語謂之木素鄂拉猶云雪山也在阿里克土司之東西傾

山

蒙古謂之魯察布拉在和碩特南右翼中旗之東南大積石西傾俱屬青海歸西甯辦事大臣管轄

北邊自陝西榆林府之北河套外唐東受降城起

今歸

化城西黃河東岸地

歷中西兩受降城

中西兩城皆在河套外內蒙古烏喇特旗西黃

河北岸由東城四百里至中城中城四百里至西城凡八百里河套內則內蒙古鄂爾多斯七旗地再

西則甘肅寧夏府西北額魯特蒙古阿拉善部地

在甘

肅涼州甘肅二府直北

再西則舊土爾扈特蒙古額濟納部地

元爲亦集乃路在甘肅

而至居延海再西北則沙漠

矣

沙漠今日戈壁漢謂之幕唐謂之磧亦謂之瀚海亦作旱海居延海卽流沙詳見導弱水下案語

皆古雍州之域也

孔傳謂積石在金城西南疏曰積石在金城河關縣案今甘肅蘭州

府河州西北百二十里有積石關關之東南去河州治七十里

有積石山乃小積石山水經注之唐述山也非雍州極西南境大積石山在小積石山西五百餘里則雍州西南極境矣

弱水既西

案說文弱水自張掖刪丹西自酒泉合黎餘波入于流沙从水弱聲桑欽所說釋文云弱

本作弱互詳導弱水下

蔡傳柳宗元曰西海之山有水焉散渙無力不能負

芥投之則委靡墊沒及底而後止故名曰弱

案語出柳子厚

所著愚溪對

既西者導之西流也地志云在張掖郡刪丹

縣

今甘肅甘州府山丹縣

薛氏曰弱水山吐谷渾界窮石山自

刪丹西至合黎山與張掖河合

案以上並詳導弱水下案語

又案

通鑑魏太武擊柔然至栗水

案柔然元魏改爲蠕蠕匈奴之後也

西行

至菀園水分軍收討又循弱水西行至涿邪山則弱

水在菀園水之西涿邪山之東矣

案栗水菀園水今無考涿邪鄉賄其

張穆蒙古游牧記外蒙古喀喇喀四部總序曰元耶

律鑄雙溪醉隱集取和林詩曰注和林城乃苾伽可

汗之故地也城東北七十里自唐明皇開元王中御

製御書闕特勒碑又涿邪山詩自注南鄰處月之郊

和林唐碑文也處月之言破鹵地也史記漢復使因

杆將軍公孫敖出西河涿邪山注涿邪山後漢書

書因杆將軍出西河與强弩都尉會涿邪山後漢書

祭彤傳出高闕塞九百餘里得小山妄言以爲涿邪

山賈憲傳鄧鴻與後諸軍會涿邪山班固燕然山銘

案燕然山在今外蒙古杭愛山脈之北
山形勢以阻格計訪名枕要關隘古謂
大宛之國也
城經鹵磧絕大漠喻承邪又聲轉爲處月
也承邪後聲轉爲朱邪又聲轉爲處月
處月種也後唐莊宗紀其先本號朱邪
而以朱邪爲姓是也南部新書北人三十
中見一小兒遂收而遞養之長求姓眾曰
大遂以諸邪爲姓朱邪者謠也此說可笑
邪也諸邪二字俱是華言遐荒殊俗隔絕
華言以爲族望處月部居金婆山之陽蒲
皆沙漠磧鹵地也卽今華夏猶呼沙漠爲
諸部遺俗至今亦呼其磧鹵爲朱邪又聲
今又語譌聲轉而爲川關皆從鞮釋及所
音輕重緩急而致然爾外國語元無本字
豈有所言之理北史載太武至菀園水分
所通指義者哉

至瀚海西接張掖水北度燕然山與通鑿小異豈瀚

海張掖水於弱水爲近乎程氏據西域傳以弱水爲在條支援引甚悉然長安西行一萬二千二百里又

百餘日方至條支

案徐繼畲瀛環志略謂條支是今阿剌伯國胡樹蘭李光廷漢西

域圖考謂是今俄羅斯南境南戎五部及高加索新藩五部地二說不同當以徐說爲是班固西都賦云條支之鳥謂駝鳥也惟阿剌伯同回國與阿非利加洲各回國相近乃有之俄國無此鳥也其去

雍州如此之遠禹豈應窮荒而導其流也哉其說非

是

菟園水一統志疑卽漢書匈奴傳貳師北度之鄯居水然亦但言在燕然山北未能指實今何地也

秦山海經大荒西經篇西海之南流沙之濱赤水之後黑水之前有大山名曰昆侖之邱其下有弱水之

淵環之郭璞注其水不勝鴻毛史記大宛傳安息長
老傳聞有弱水西王母而未嘗見漢書西域傳大秦
國有弱水流沙西王母所居以及十洲記博物志舊
唐書東女國所言弱水皆無可質實之語柳宗元不
過用以行文耳未嘗指爲禹貢弱水也程大昌云在
條支蔡氏知其非是而願取柳宗元之言謬甚

蔡氏所言

由長安至條支里數
係漢書西域傳中語

涇屬渭汭

蔡傳涇渭汭三水名涇水地志出安定郡涇陽縣西

東南至馮翊陽陵縣入渭

案班志原文安定郡涇水注并頭山在西禹貢涇水

所出東南至陽陵入渭過郡三行千六十里雍州川

師古曰并音苦見反又音牽此山在今靈州東南土

俗語訛謂之并屯山涇陽縣在今甘肅平涼府附郭

平涼縣西南今平涼縣西三十里曰崆峒山崆峒山

脈又西十里爲并頭山亦曰并頭山或謂之雞頭山

陽陵縣在今陝西西安府咸陽縣東四十里涇入渭

處在今西安府高陵縣西南之上馬渡曰涇口師古

言并頭山在今靈州者唐之靈州卽今寧夏府靈州

南與平涼府接壤也淮南子涇出薄落渭水地志出

之山高誘注薄落山一名并頭山是也

隴西郡首陽縣西南鳥鼠山西北南谷山也東至京

兆船司空縣入河

班志原文隴西郡首陽注禹貢鳥同穴山在西南渭水所出東至船

司空入河過郡四行千八百七十里雍州歸今甘肅

蘭州府渭源縣西二十里有鳥鼠山亦曰鳥鼠同穴

山俗呼爲青雀山南谷山又在其西五里渭水有南
北二源正源出渭源縣西南鳥鼠同穴山別源出縣
西北南谷山分繞縣之南北至縣東流爲渭水南逕
秦州山甘肅界入陝西鳳翔府隴州境又東南至同
州府華陰縣東北倉頭村之南入黃河曰渭口渭口
之東卽潼關也驪園在華陰縣東南黃河曰渭口
驪園故城在今華陰縣東北五十里也
空縣故城在今華陰縣東北五十里也
船司
渭水地志

作芮扶風汧縣弦清鼓芮水出其西北東入涇
案班

文右扶風汧注吳山在西古文以爲汧山雍州山北
有蒲谷鄉弦中谷雍州弦蒲葢汧水出西北入渭
水出西北東入涇詩芮隄雍州川也師古曰隄讀與
鞠同大雅公劉之詩曰止旅乃密芮鞠之卽韓詩作
芮隄言公劉止其軍旅欲使安靜乃就芮隄之間耳
顧祖禹曰芮水出陝西鳳翔府隴州西四十里弦蒲
葢東北至甘肅涇州崇信縣又東北過陝西邠州長
武縣北合於涇齊召南曰汧水出甘肅平涼府華亭

縣西隴山之東麓隴山在縣西一百六十里有陂至崇信縣入涇華亭南至隴州一百六十里長武縣西北至涇州亦止七十里壤地相接故顧齊二氏言涇之源委小異

周職方雍州其川涇

詩曰涇鞠之卽皆謂是也屬連屬也涇水連屬渭

二水也

案孔傳曰屬逮也水北曰涇言治涇水入于渭鄭康成曰涇之言內也蓋以人皆南面望水則北爲涇也且涇水南入渭而名爲渭涇知水北曰涇言治涇水使之入渭亦是從故道也說文水部渭水相入也从水从內水經渭水東入于河注曰春秋之渭涇也左

傳閔公二年虢公敗犬戎於渭隊

隊今本作汭

服虔曰隊

謂汭也杜預曰水之隈曲曰汭王肅曰汭入也以上各說無一以汭爲水名者蓋渭將入河處其旁之地謂之渭汭猶洛將入河處謂之洛汭水道提綱云渭水經華陰縣東北倉頭村南入黃河卽古渭汭地是也蔡氏以汭爲水名大謬

胡渭曰雍州有二渭汭此渭汭在高陵縣地觀隴隴

語後渭汭當在漢襄德縣於

鞏西鞏州高陵者涇渭二水之會也均爲水北均

爲水相入均爲水之隈曲渭汭兼地而言不專指水口也

又敬案乾隆五十二年正月辛亥

諭軍機大

臣等涇渭爲關中八水之二向有謂涇清渭濁者亦有謂涇濁渭清者迄無定說考谷風詩曰涇以渭濁解經者皆云涇濁渭清涇未屬渭之時雖濁而未甚見由二水旣合而清濁益分朕詳繹詩意蓋言涇水發源本清入渭之後其流不得不合而爲濁非謂涇水本濁也箋釋諸家似與經文本義不合惟宋人蘇轍詩云袞袞渭河濁元人曹伯啟詩亦有涇清渭濁源何異之句足爲證據因思二水皆在陝西境內秦承恩係讀書人以今證古詳加履勘無難考據得實

著傳諭該撫親赴涇水渭水之各發源地方及二水合流之處確加察視是否涇清渭濁抑真涇濁渭清卽行繪圖貼說具奏尋奏查涇水發源甘肅平涼并頭山東至長武入陝渭水發源甘肅渭源鳥鼠山東至隴州入陝二水至高陵縣合流臣察視涇水約寬一二十丈入陝後併支流一十有四其流與江漢諸川相似渭水約寬七八十丈入陝後併支流三十有三其色與黃河正同合流處涇北渭南一望可辨七八里始涸爲一涇係石底四時常清渭係沙底四時

常濁并於急流各取水激之涇一石滓三升渭一石滓斗許臣以所目驗并考之碑乘詢之士著涇清渭濁毫無疑義得

旨覽奏具悉又奏其源在甘

肅俟臣查明具奏

批其流既清斷無其源反

濁之理不必往查矣

又案夏之芳曰涇與渭洛

案此非伊洛之洛詳下漆沮既從下案語爲關

中三川涇渭與灃澧潏潏灃鎬爲關中八水

案司馬相如上

林賦曰終始灃澧出入涇渭鄠鎬潦潏潏紆餘逶迤經營乎其內蕩蕩乎八川分流釋之者曰長安之地潏鎬經其南涇渭遠其後灃澧界其左灃潏合其右而溉田之利得之涇水爲

多鄭國鑿涇水

案鄭國韓之水工事在秦始皇初

自中山

案中山在今陝西

安府涇陽縣西北七十里

西抵瓠子口爲渠

案瓠子口卽谷口在今陝西西安府醴泉

縣東北六十里亦名洪口堰

并北山

案北山卽涇陽北四十里嵯峨山

嵯峨山卽黃帝鑄鼎處禹貢北條之荆山也

六十里九畋山或云嵯峨山卽黃帝鑄鼎處禹貢北條之荆山也

以溉田注填闕之水溉舄鹵之地四萬餘頃收皆畝

一鍾

案一鍾六斛四斗

漢兒寬奏請穿六輔渠以益溉鄭國

旁高卬之田

案鄭國所開之渠名鄭國渠兒寬開渠漢武帝元鼎六年事顏師古漢書注卬

讀曰

白公復奏穿渠引涇水首起谷口尾入櫟陽

櫟陽縣城在今陝西西安府臨潼縣北三十里渭水之北

注渭中袤二百里

案漢武帝

太始二年事白
公所開名白渠
溉田四千五百餘頃自宋迄明屢修

鄭白二渠自項忠余子俊阮勤并鑿石通水乃得引

涇入渠水分三限上限入三原

案三原西安府屬縣

櫟陽中限

入高陵

案高陵亦西安府屬縣

三原櫟陽南限入涇陽立斗門

以均水秦漢時涇河平淺計古溝澮猶有存者故引

河作渠猶易年久河益深水勢與渠口相懸必就上

流然後能引水而疏鑿非故渠且多石故其用力尤

難然欲變烏鹵爲沃壤亦存乎人而已

案項忠余子俊阮勤皆明

中葉時人

漆沮既從

蔡傳漆沮二水名漆水寰宇記自耀州同官縣東北

界來

案宋耀州今爲散州屬陝西西安府同官縣經亦屬西安府有同官水在縣東北五十里

華原縣

案即今耀州

合沮水

案漆水源出陝西西安府同官縣北高山流經縣城東合

同官水至富平縣

沮水地志出北地郡直路縣東

合沮水名石川河

原文直路注沮水出東西入洛

今坊州宜君

餉人散作餉

餉餉之澹澹

今坊州宜君

縣西北境也

案宋坊州今陝西鄜州中

寰宇記沮水

自坊州昇平縣北

案今宜君縣西三十里有宋昇平廢縣

子午嶺出俗

號子午水

案子午山在今中部縣西北境不隸宜川縣

下合榆谷慈馬等

川案諸書皆云慈烏水蔡氏作慈馬誤遂爲沮水至耀州華原縣合漆

水至同州朝邑縣東南入渭

案卽今陝西同州府朝邑縣

二水相

敵故並言之

案沮水漆水既合東南入富平縣界驪山安名石川河而總名爲洛水城驪

水舊於朝邑西之朝阪南經趙渡鎮至華陰縣驪山西北之葫蘆灘合渭水東至渭口入黃河自明成

化中改流不南入渭卽於趙渡鎮南偏東自行入既黃今謂之洛口在倉頭村南渭口之北三十里

從者從於渭也

案漆沮今自行入黃則不從渭矣非復禹貢故迹也

又案地志

漆水出扶風縣晁氏曰此幽之漆也水經漆水出扶

風杜陽縣程氏曰杜陽今岐山普潤縣之地亦漢漆

縣之境

案班志原文右扶風漆注水在縣西蔡氏引之欠分明漢漆縣今陝西邠州漢杜陽縣屬

右扶風在今陝西鳳翔府麟游縣西北普潤縣唐所
置宋因之其故城在麟游縣西百二十里麟游與邠
州南北接壤其水入渭在澧水之上與經序渭水節次不
合非禹貢之漆水也

案漢書地理志左馮翊襄德注洛水東南入渭雍州

竊襄與懷同襄德故城在今陝西同州府朝邑縣西

若水經注謂沮水逕懷德城南自是序沮流之所經

非指沮自此入洛水經注之懷德城在今陝西西安

府富平縣西南丁晏旣謂漢懷德縣說文沮作澹澹

屬左馮翊又指爲富平以實之大誤說文沮作澹澹

水出北地直路西東入洛此可證漢志出漢志北地

郡歸德注洛水出北蠻夷中入河歸德今甘肅慶陽

府安化縣漆沮爲

洛洛入渭渭入河謂洛入河漆也沮也洛也三水各者謂既受洛亦蒙洛之名也

自有源孔安國於導渭下曰漆沮二水名亦曰洛蓋沮入漆後二水合一而入洛故水經曰渭水又東過華陰縣北酈注洛水入焉闕駟以爲漆沮之水也又瀘水下酈注沮水東注鄭渠濁水與沮水合俗謂之漆水又謂之漆沮水齊召南水道提綱曰洛水卽古漆沮源出慶陽府安化縣附郭之縣北境三百餘里之白於山則與漢志歸德注洛水出北蠻夷中相合至中部縣東北稍南有沮水自西來會亦與漢志沮水出

直路東相近至漆水之源水經注謂是鄭渠之濁水

濁水卽濁谷水水經注曰鄭渠又東逕截嶺山南

之灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

灋山灋山又東逕鄭渠又東逕截嶺山南

馬貢易印扁 卷九 雍州 三

注於洛也洛水入洛則宋代諸地理家則以同官水合沮水至富平名石川者爲漆水

均見前

言雖與水經注

殊實則相合也此禹貢漆沮矣

又案導渭曰又東會于涇又東過漆沮則漆沮當在

涇之東歸渭之下流石川之爲禹時漆沮無疑程大

昌雍錄曰雍境漆水凡四出而實三派雍州萬年縣

石川河一也邠州新平縣漆水二也

案漢志右扶風漆注水在縣西

今陝西邠州直隸州公劉之幽也州治卽鳳翔府普

漢漆縣宋陝西永興軍路邠州新平縣

鳳翔府普

涇縣漆水三也

案宋普涇爲今之麟游其漆水卽今邠州漢漆縣之漆水程氏分而二之

何鄭白渠亦名漆沮四也惟石川河當爲禹貢漆沮

而綿詩謂自土沮漆者在岐不在邠也案綿之詩自

公劉遷豳居漆沮之地周頌潛之詩猗與漆沮傳云

岐周之二水也蓋皆漢漆縣之漆水今在鳳翔府麟

游縣者居渭之上流有涇水間隔自不得以爲禹貢

之漆沮也漢杜陽縣故城在鳳翔府附郭鳳翔縣北

九十里詩云自土沮漆齊詩作自杜言公劉避狄而

來居杜與漆沮之地孟子言太公去豳踰梁山邑於

岐山之下岐山在鳳翔府岐陽縣東北十里梁山在

縣東北五十里又東北七十里至邠州城由西遷東

故去豳踰梁山而至岐山也闕若璣四書釋地曰此

梁山橫而長自邠抵岐二百五十餘里此山適界乎

一百三十里之間太王當日必踰此山樊廷枚補注

曰尙書鄭注梁山在岐山東北岐山在梁山西南考

此梁山與治梁及岐之梁山無涉治

梁之梁在韓城縣不在岐邠間也

郿縣及乾州之武功等縣東西八百里輶輳同者
雖總名終南山亦謂之南山峰嶺隨處異名也

同於渭也渭水自鳥鼠而東澧水南注之涇水北注
之漆沮東北注之曰屬曰從曰同皆主渭而言也

荆岐既旅終南悁物至于鳥鼠

案史記悁物作敦物既旅作己旅

蔡傳荆岐二山名荆山卽北條之荆

案孔傳此荆在岐東非荆州之

荆地志在馮翊懷德縣南

案當作左馮翊左字不應漏也懷德漢志作襄德師

古曰襄亦懷字班固自注禹貢北條荆山在南山下有彊梁原今陝西同州府朝邑縣西南三十里有漢懷德故城朝邑縣治基頗高在彊梁原上土人謂卽荆山北麓其東麓則臨於河彊梁原爲荆山之麓一名朝坂一名華原山在朝邑縣西繞西而北而東以絕於河古河壩也故導山曰至于荆山逾于河今陝

西西安府富平縣亦有懷德故城則東漢末及三國時用前漢舊名於此立縣元和志寰宇記遂以此懷德爲朝邑之懷德而以掘陵原爲荆山此地東距河二百餘里於導山至荆逾河之義不合蔡氏據以釋經誤今耀州富平縣富平縣皆屬西安府掘陵原也案括地志雍州富平縣今名掘陵原富平西北有定陵元陵章陵簡陵東南有豐陵世謂之掘陵原在富平岐山案文選西京賦薛綜注岐山說文在長安西有美陽縣界山有兩岐因以名焉鰲嶽山經也鄭有岐字而後世誤之耳顏師古漢書地理志總序注岐山在美陽卽今之岐州岐山縣箭括嶺也王海曰岐山一名天柱山周語周之興也鷺鷥鳴於岐山土人謂之鳳凰堆成蓉鏡禹貢班義述曰今鳳凰山在岐山縣北十里一峰如柱故名天柱與兩岐之義不合箭括嶺今名箭括山在岐山縣東北六十里嶺巔有缺故名箭括以兩岐之說案之正相符合

中水鄉今在箭括嶺之陽志以爲太王所邑亦與孟
子邑于岐山之下義合成氏據師古之說以爲岐山
卽箭括嶺而方輿紀要則云岐山在岐山縣東北十
里梁山在岐山縣東北五十里又東連乾州界其最
高處爲箭括嶺則箭括嶺是梁山而非岐山其說又
異或梁山西南橫百餘里接連岐山故梁山亦可稱爲

岐地志在扶風美陽縣西北案漢志右扶風美陽注

鄉周太王所邑右扶風蔡氏漏右字誤漢美陽在今

陝西乾州武功縣西北二十五里今武功縣及鳳翔

府扶風縣皆漢美陽縣地岐山在鳳翔府岐終南情

山縣東北十里後漢郡國志岐山南有周原

物鳥鼠亦皆山名終南地志古文以太乙山爲終南

山在扶風案當依漢志武功縣案漢武功縣城在今

四十里終南山綿互八百里西起郿縣東至藍田故

云山在武功漢武功在今乾州之武功東三十餘里

漢書地理志右扶風武功注大壹山古文以爲終南
垂山古文以爲愔物皆在縣東終南一作中南詩
終南何有傳曰周之名山曰終南一作中南左傳司
馬侯曰中南九州之險也陸德明釋文引三秦記云
終南又名地肺淮南子倣真訓作終隆高誘注以爲
卽終南太一或作大壹或作太乙五經要義曰太一
在扶風武功縣與終南山相連福地記曰終南山北
去長安城八十里終南山山之總名太一一山之別
號後漢郡國志右扶風武功縣有太一山終南山杜預
春秋釋例曰中南始平武功縣西南有大壹山則是
終南太一乃一山而二名也惟張衡西京賦潘岳西
征賦以終南太一分爲二山非是水經注渭水篇渭
水又逕武功縣故城北地理志曰縣有大壹山古文
以爲終南山杜預以爲中南也亦曰太白山太白山橫
互今陝西鳳翔府郿縣乾州武功縣境亦大山也太
一終南太白木一山而以武功之太一爲主峰則王
鳴盛愔物地志古文以垂山爲愔物在扶風武功縣
之論

案丁晏曰續漢書郡國志右扶風垂山本敦物釋文
宿物山名引漢書云垂山也胡東樵謂垂山卽太一
之北峰無二山孫淵如改垂山爲岳山谷呼故山敖
岳聲之轉臆說不可從水經禹貢山水澤地所在篇
華山爲西嶽在宏農華陰縣西南注古文之愒物山
也如酈說則垂山當作峯山字形之誤峯山與終南
綿延相望又鳥鼠爲渭水所出峯山在渭水南地勢
接連則以峯山爲愒物可備一說金史地理志乾
州武亭縣有愒物山方輿紀要武功縣西南九十里
有太白山亦謂之太乙山接郿縣蓋屋縣界武功縣
東南二百里有愒物山今考孫淵如之說決不可取
漢書酈注酈山在郿山今酈山酈山酈山酈山酈山
志武亭縣酈山酈山酈山酈山酈山酈山酈山酈山
也酈山酈山酈山酈山酈山酈山酈山酈山酈山
一山酈山酈山酈山酈山酈山酈山酈山酈山酈山
誤以垂爲峯胡氏謂是太乙之北峰蔣廷錫尙書地
理今釋取之然亦想當然之語別無左證或究以方
輿紀要并列之爲近是乎若程大昌謂終南旣高且

廣多出物產故禹貢曰終南惓物是不
以惓物爲山名也此亦決不可取者 鳥鼠地志在

隴西郡首陽縣西南俗呼爲青雀山

案鳥鼠山在今甘肅蘭州府渭

源縣西

二十里舉三山而不言所治者蒙上旣旅之文也

又案夏之芳曰雍州之山有五分屬南北荆爲漆沮
所經岐爲涇汭所經此北條北境之山也終南爲灃
水所出惓物爲灃水所經鳥鼠爲渭水所經此北條
南境之山也

原隰底績至于豬野

案史記作都野漢書作豬野

蔡傳廣平曰原下涇曰隰詩曰度其隰原卽指此也

鄭氏曰其地在幽今邠州也

案唐明皇以幽字似幽改爲邠今陝西邠州直隸

州猪野地志云武威縣東北有休屠澤古文以爲猪

野武案漢書地理志武威郡注故匈奴休屠王地今涼

州姑臧縣也案姑臧縣即漢武威縣今甘肅涼州府

阿拉善額魯特部旗南有武威故城直隸番縣北

城東屈此水流兩分一水北入休屠澤俗謂之爲西

海一水又東流一百五十里入猪野世謂之爲東海

通謂之都野矣岷杜觀岷離離貢一統志曰案三

岔河自鎮番東北流出邊又三百餘里猪爲大澤方

廣數十里俗名魚海子蒙古名哈喇鄂模卽古休屠

澤但水經注謂其東別有猪野澤與漢志異而括地

志謂猪野澤在姑臧城東北一百八十里似指今古

浪縣東松陝水出邊下臨貳兩岫之巖嶺所猪之

澤爲豬野也
酇之縣酇州

治水成功自高而下故先言山次原隰

次陂澤也

案鄭康成曰原隰幽地從此致功西至豬野之澤也
考由陝西邠州至甘肅涼州府約三千里由涼州府
北至鎮番邊界約三百餘里出邊北行又三百餘里
而至休屠澤禹之致功西北所治者廣矣

三危既宅三苗丕敘

案史記宅作度
丕敘作大序

蔡傳三危卽舜竄三苗之地或以爲燉煌未詳其地

案後漢書西羌傳注三危山在今沙州燉煌縣
東南嶺間故曰嶺嶺山有三峰故曰三危 三苗

之竄在洪水未平之前

案堯典竄三苗於三危馬融曰三苗國名也縉雲氏之後

爲諸侯蓋饗餐也三危

西裔也戰國策吳起對魏文

侯云昔三苗之居左有彭蠡

右有洞庭文山在其南

衡山在其北史記三苗在江

淮荊州胡渭謂是今湖

廣岳州府地蓋三危本侯國

舜攝位時乃竄之於西

裔使居

三危耳

及是三危已既可居三苗於是有功敘今

案舜竄三苗以其惡之尤甚者遷之而立其次者於

舊都今既竄者已不敘而居於舊都者尙桀鰲不服

蓋三苗舊都山川險阻氣習使然今湖南搖洞時猶

竊發俘而詢之多爲猫姓豈其遺種歟

案今湖南北

千里溪崗山箐間有曰玃曰獠曰獠之類皆所謂蠻也其間最輕捷者曰猫卽三苗之後也舜後命禹徂

征蓋征
此種

案鄭康成曰地記書曰三危之山在鳥鼠之西南當

岷山則在積石之西南

史記索隱曰鄭氏引河圖及地說云三危山在鳥鼠西南

與岐山相連岐山當作岷山蓋傳寫之誤在積石西南必不連岐山也焦循曰禮記正義引張逸問禮注曰書說書說何書也答曰尚書緯也當注時在文網中嫌引祕書故諸所牽圖讖者皆謂之說此引地說而索隱以爲河圖正義曰地記未必可信要知三危地說則亦緯讖也

之山必在河之南也左傳昭公九年杜預注三危在

瓜州今敦煌則謂三危在河之北與鄭說不合故蔡

氏曰或以爲燉煌又曰未詳其地也

敦煌之三危方輿紀要謂縣東

南四十里有鳴沙山鳴沙山東南十里爲三危山徐
松西域水道記謂三危在鳴沙之西方輿紀要乃沿
高居誨使于
閩記之誤
山海經西山經三危之山郭璞注今在

燉煌尙書云竄三苗于三危是也畢沅校正曰古人
言三危有三鄭玄注尙書引河圖及地說云三危山
在鳥鼠西南與岐山相連岐當作岷劉昭注郡國志
首陽引地道記有三危山三苗所處陸德明莊子音
義曰三峴今屬天水一也山當在今秦州西
案秦州
甘肅之
直隸
州
俗失其名水經云江水又東過江陽縣南洛水
從三危山東過廣魏漢洛縣南二也山當在今四川

省淮南子云三危在樂民縣西水經禹貢山水澤地
所在云三危山在燉煌縣南括地志云三危山在沙
州敦煌縣東南三十里見史記正義是此山也此山
謂西
山經所云合觀各說雍州三危自當以鄭說爲是惜
之三危
今已不知所在闕疑可也若導黑水之三危乃別一
三危與雍州三危無涉詳導黑水下案語

又案呂祖謙曰三苗有罪自當竄逐發政施仁自當
及之故治水至三危亦必使安宅不敘後世以爲投
之四裔若棄之者非聖人之心也

厥土惟黃壤

蔡傳黃者土之正色林氏曰物得其常性者最貴雍州之土黃壤故其田非他州所及

案夏之芳曰色有五常黃其主也位有五材土其主也黃而又壤故爲上上關中爲沃野謂之天府以此也古稱秦地天下三分之一人眾不過什三而量其富居什六然就其間較之惟涇渭澧漆之區惟最沃壤西北二邊逼於戎狄故禹於雍州自終南至鳥鼠則自西而東自原隰至豬野三危則自內而外賦出

六等生聚蓋不同也戰國秦漢時富庶甲天下自唐而宋乃滋不如雖關中亦仰東南之粟古今地利之變遷如此

厥田惟上上厥賦中下

蔡傳田第一等

案王炎曰東方朔云關中之地號爲畝直一金壤兩鎔一重針史記貨殖傳

關中自汧雍以東至河華膏壤沃野千里自虞夏之間以爲上田

而賦第六等者地

狹而人功少也

案孔傳曰田第一賦第六人功少疏曰此與荊州賦田升降皆較六等荊州升之極故云人功修此州降

之極故云人功少州境闊遠民居先定新遭洪水存亡不同故地勢有美惡人功有多少治水之後卽爲此差在後隨人少多必更立其等此非永例也王鳴盛駁之曰疏曲附孔傳云治水爲此差後必更立其等聖王垂憲豈如此苟且紛更況兗州云貞作十有三年乃同是固計其民困已蘇之後堪爲定制而立之法也安得謂禹貢非永定者邪此論甚是當從之

厥貢惟球琳琅玕

案史記作瑯琳

蔡傳球琳美玉也琅玕石之似珠者爾雅曰西北之

美者有昆侖虛之球琳琅玕今南海有青琅玕珊瑚

屬也

案說文球玉磬或作瑯琅玕似珠者詩商頌受小球大球箋謂小玉尺二寸圭大玉珽長三尺

之追出塞至積石山斬首而還新舊唐書吐谷渾傳
侯君集等追吐谷渾王伏允至星宿川又達柏海北
望積石山觀河源之所出此則漢志所云羌中之積
石今稱爲大積石者矣徐松漢書西域傳補注曰河
經阿木奈瑪勒堅木遜山南麓卽大積石山漢志金
城郡河關縣積石山在西南羌中今在西甯府西南
邊外五百三十里卽禹貢導河之地後儒異議有指
河州之小積石爲禹貢積石轉以班君所言爲妄繆
悠之論不足依據阿木奈瑪勒占木遜水道提綱作
阿木你麻纏母孫麟翻翻翻翻翻翻翻翻翻翻翻
轉也元史河源附錄作亦爾麻不莫刺譯言騰乞里
塔而誤指爲崑崙者皆大積石也又謂之大雪山蒙
古語謂爲木素鄂拉嶺點綴餘餘餘餘餘餘餘餘
山也山在西甯府之西阿里克土司之東今鄯州

龍支縣界也龍門山地志在馮翊夏陽縣今河中府

龍門縣也

案漢書地理志左馮翊夏陽注故少梁秦
惠文王十一年更名禹貢梁山在西北龍

門山在北水經河水篇又南出龍門口注曰昔者大禹導河積石疏決梁山謂斯處也卽經所謂龍門矣蓋梁山龍門兩山卽一山也唐宋河中府今山西蒲州府也龍門縣今山西絳州河津縣也在黃河東岸龍門山在河津縣西北三十里此山本橫阻黃河禹鑿斷之使流其間此山遂有在黃河西岸者則陝西同州府韓城縣東北八十里也後周於山立龍門關之下卽禹門渡與壺口隔河相望寰宇記龍門山北有河口略似龍門而不能通相傳鯀治水時西河所鑿績用弗成今名錯開河餘詳旣載壺口下西河冀之西河也雍之貢道有二其東北境則自積石至

于西河其西南境則會于渭汭

案孔傳沿河順流而北千里而東千里而

南龍門山則河東之西界逆流曰會自渭北涯逆水西上疏曰會合也人行逆流而水相向故逆流曰會從河入渭自渭北涯逆水西上言禹白帝訖從此西上更入雍州界也諸州之末惟言還都之道此州言

發都更去明言渭汭不言河者蒙梁州之文也他州諸州皆然也

貢賦亦當不止一道發此例以互見耳案渭與河相通也○

案邢恕奏乞下熙河路案宋熙河路治今甘肅洮州廳打造船五百

隻於黃河順流放下至會州西小河內藏放案宋會州今甘

肅蘭州府靖遠縣熙河路漕使李復奏案李復宋徽宗時人竊知邢恕

欲用此船載兵順流而下去取興州案興州西夏所都今甘肅鞏夏

府治契勘會州之西小河鹹水其闊不及一丈深止於

一二尺豈能藏船黃河過會州入韋精山案韋精山今所在無

考漢書溝洫志塞瓠子自是之後用事者爭言水利關中漳渠如滄曰漳音韋水出韋谷或卽韋精山又

河自蘭州界東北流亂山中二百餘里入靖遠界始
瀉落巨川如瀑布然考宋時靖遠縣地陷入西夏所
置之會州必在今靖遠縣東南則正黃河行亂山中
二百餘里瀉如瀑布處韋精山必在其間且與下文
垂流直下之語相合更可想見矣 石峽險窄自上垂流直下高數十

丈船豈可過至西安州之東

案宋西安州在今甘肅平涼府固原州西北二

百一十里大河分爲六七道散流渭之南山逆流數十里

方再合逆溜水淺灘磧不勝舟載此聲若出必爲夏
國侮笑事遂寢邢恕之策如李復之言可謂謬矣然
此言貢賦之路亦曰浮于積石至于龍門西河則古
來此處河道固通舟楫矣而復之言乃如此何也姑

錄之以備參考云

案邢恕非正人或者李復恐其開邊釁又憚於興作故極言其害也

案夏之芳曰導河始於積石卽以爲貢道治河因以治漕自古已然考春秋時秦輸粟於晉自雍及絳相繼命曰汎舟之役正義曰秦都雍雍臨渭晉都絳絳臨汾由渭入河由河溯汾皆逆流東行也漢歲漕關東粟以給中都官初止數十萬石至武帝則四百萬石後又益至六百萬石大都取於山東諸郡從渭水而上鄭當時言異時關東漕粟從渭度六月罷而渭水道九百餘里時有難處引渭穿渠起長安旁南山

下至河三百餘里徑易漕度可三月而罷而渠下民

田萬餘頃又可得溉武帝以爲然發卒穿渠以漕

大便利

案事見漢書溝洫志

其後隋唐宋多因之又考河從積

石北流入北狄界中折而東流凡二千餘里漢人謂

之北河其內後謂之河套卽秦始皇所斥奪匈奴河

南地也

案秦謂套內地爲新秦中賈誼所謂卻匈奴奴七百餘里胡人不敢南下而牧馬者也

虞聲教暨於朔南冀之北垂遠出河北猶在荒服所

以不可及也三代之季北狄入居河內秦始皇逐出

之秦楚劉項之際復爲匈奴所據漢武帝開朔方復

取之

案漢書地理志朔方郡武帝元朔二年開縣十

日三封朔方修都臨河呼道窺渾渠搜沃堡廣

牧臨戎一統志三封故城在套外黃河西岸沃墾故

城在套外河水北流一曲之西窺渾故城在套外阿

爾坦山之南朔方十縣惟此三縣在套外今爲內蒙

古烏喇特旗地其七縣皆在套內

今爲內

蒙古鄂爾

多斯旗地

唐築三受降城案皆在套外詳前黑水即

其處宋時爲西夏所據以一隅之地能抗衡中國蓋

以其地肥饒其人勁悍又產戰馬乃關中之屏蔽得

之則強失之則弱歷代知其爲邊境之要害而不知

其爲唐虞之故疆也

織皮崑崙析支渠搜西戎卽敘

案崑崙史記作昆侖敘作序漢書作昆崙渠史

師古曰叟

讀曰搜

蔡傳崑崙卽河源所出在臨羌析支在河關西千餘

里

案河關見前浮于積石下

渠搜水經曰河自朔方東轉逕渠搜

縣故城北蓋近朔方之地也三國皆貢皮衣故以織

皮冠之

案孔傳曰織皮毛布

皆西方戎落故以西戎總之

案孔傳以

崑崙析支渠搜西戎爲四國云有此四國在荒服之外流沙之內羌髻之屬皆就次序蔡氏依鄭注不以西戎爲國名故曰以西戎總之胡渭曰三國皆西戎而西戎不止於三國無不賓服故曰西戎卽敘也

卽就也雍州水土旣平而餘功及於西戎故附於末

○蘇氏曰青徐揚三州皆萊夷淮夷島夷所雋此三

國亦籠織皮但古語有顛倒詳略爾其文當在厥貢
惟球琳琅玕之下浮于積石之上簡編脫誤不可不

正愚謂梁州亦籠織皮恐蘇氏之說爲然

案蘇氏此說諸講經

家或從或否然

欽定書經傳說彙纂未加案語則學者以仍照原本讀勿更改爲是

案鄭康成曰衣皮之民居此昆侖析支渠搜三山之

野者皆西戎也正義曰鄭以崑崙爲山謂別有崑崙

之山非河所出者也

謂別有崑崙之山二句王鳴盛孫星衍皆以爲鄭注語茲依焦

循禹貢鄭

馬融曰昆侖在臨羌西

案漢書地理志金城郡臨羌注西北

至塞外有西王母石室西有弱水昆侖山祠臨
羌故城在今甘肅西甯府城西二百八十里

析支

在河關西

又案傳記言崑崙凡四處一在西域山海經云崑崙
虛在西北河水出其東北隅釋氏西域記謂之阿耨
達山水經注云案山海經自崑崙至積石一千七百
四十里又引涼土異物志曰蔥嶺之水分流東西西
入大海東爲河源禹紀所云昆侖者是也一在海外
大荒經云山海經
篇名西海之南流沙之濱有大山名曰
崑崙其下有弱水之淵環之此山與條支大秦國相
近禹本紀云去嵩高五萬里者是也一在酒泉漢志

金城郡臨羌縣西北有西王母石室西有弱水崑崙

山祠崔鴻十六國春秋張駿時也前涼酒泉太守馬岌

上言酒泉南山卽崑崙之體周穆王見西王母樂而

忘歸謂此山也禹貢崑崙在臨羌之西卽此明矣括

地志云在酒泉縣西南八十里今肅州衛西南崑崙

山是也肅州衛今改爲肅州直隸州方輿紀要曰州

其顛峻極經夏積雪不消俗呼爲雪山或謂卽禹貢

之西戎崑崙然漢志云臨羌西北至塞外有崑崙祠

括地志謂西南八十里方輿紀要謂西南二百五十

里與甘肅連漢代置郡之處則皆塞內也其不可據

無疑正義謂別有崑崙或塞外亦有山而一在吐蕃

名崑崙者爲西戎所居特今無可考耳

通典云吐蕃自言崑崙山在國中西南河之所出唐書吐蕃傳云劉元鼎使還言自湟水入河處西南行二千里有紫山直大羊同國古所謂崑崙虜曰悶摩黎山東距長安五千里河源其間是也案西海距玉門陽關四萬餘里而崑崙更在西海之南去積石太遠其非禹貢之崑崙國明甚悶摩黎山唐人造言唐以前無以此爲崑崙者不足信山海經所云昆侖墟至積石一千七百餘里正河所出亦非西戎所居鄭意蓋以臨羌之昆侖爲西戎所居與馬合逸周書王

會解正西有昆侖等九國孔鼂注云九者西戎之別

名是也析支亦西戎之一種水經注河水篇積石山

在西羌之中燒當所居也延熹二年

東漢桓帝時

西羌燒

當犯塞護羌校尉段熲討之追出塞至積石山斬首

而還司馬彪曰西羌者自析支以西濱於河首左右

居也河水屈而東北流逕於析支之地是爲河曲矣

應劭曰禹貢析支屬雍州在河關之西東去河關千

餘里羌人所居謂之河曲羌也後漢書西羌傳云河

關之西南羌地是也濱於賜支至乎河首綿地千里

賜支者禹貢所謂析支者也南接蜀漢徼外蠻夷西

北接鄯善車師

河潛行地南下南出積石爲中國河故曰河首北人讀析音如賜故曰賜支

其地後爲黨項所居通典黨項居古析支之地漢西

羌之別種北連吐谷渾也徐文靖引馬伯循曰寧夏

東北河遇山析爲二枝處有析支城方輿紀要曰西

寧府附郭西寧縣西南塞外有賜支河考寧夏爲漢

北地郡與朔方郡接壤於金城郡西之西羌無涉其

析支城不足爲證賜支河則近是西羌傳旣云濱於

賜支宜有水也

康成謂析支是山或水以山得名

渠搜亦西戎之一

種水經注河水自朔方東轉逕渠搜縣故城北禮三
朝記曰北發渠搜南撫交阯此舉北對南禹貢所云
析支渠搜矣道元此說非也渠搜乃西戎不應在朔
方或漢武遷渠搜種人於朔方而立渠搜縣猶之酒
泉郡有玉門縣關駟云漢罷玉門關屯徙其人於此
上郡有龜茲縣師古曰龜茲國來降附者處之於此
故以名云決非渠搜本在朔方也史記五帝本紀西
戎析枝渠搜羌氏

語在蜀紀末

隋書西域傳鎋汗國都蔥

嶺之西五百餘里古渠搜國也東去疏勒千里去瓜

州五千五百里

瓜州今甘肅安西州

逸周書王會篇渠搜以餉

犬孔鼃注渠搜西戎之別名也則渠搜之在西無疑
陸德明沿水經注之誤蔡氏亦沿其誤耳禹貢崑崙
析支渠搜及各西戎國在今爲青海和碩特蒙古二
十一旗游牧地在甘肅西甯府邊外至京師五千
七十里東及北界甘肅西界西藏南界四川

禹貢易知編卷九補註

弱水既西蔡傳魏太武西行至菟園水 一統志新蒙
古喀爾喀部漢書匈奴傳貳師北度郅居之水殺左
大將引兵還至速邪烏燕然山郅居水疑卽魏書之
菟園水

浮于積石蔡傳李復奏韋精山下注末 漢志如湟注
之韋谷係在關中且係水利與李復所言地方形勢
皆不合一統志韋精山在靖遠縣東北一百三十里
東連雪山西臨黃河河自上垂流數十丈轉折而東

入甯夏界斯李復所言之山矣

雪山在甘肅蘭州府河州西南一百五十

里接洮州番界四時積雪石如骨露亦名露骨山

禹貢易知編卷十

丹徒李慎儒鴻軒氏輯

男

壽

櫟校字

婿曹用霖全校

導岍及岐至于荆山逾于河壺口雷首至于太岳底柱

析城至于王屋太行恆山至于碣石入于海

案史記作道九山岍

作汧漢書同說文有汧字無岍字逾史記作踰太岳史記作太嶽底柱史記作砥柱

蔡傳此下隨山也

案孔傳曰治水通山故以山名胡謂以爲導者循行之謂非通水之

謂也岍岐荆三山皆雍州山岍山地志扶風汧縣西吳

山古文以爲岍山

案漢志作右扶風以吳山爲汧山者當是因山北有蒲谷鄉弦中谷

雍州莖蒲藏汧水出西北入今隴州吳山縣吳嶽也
渭山以水得名而曰汧山也

周禮雍州山鎮曰嶽山又案寰宇記隴州汧源有汧

山汧水所出禹貢所謂汧山也晁氏以爲今之隴山

天井金門秦嶺山者皆古之汧也

案隴州今屬陝西鳳翔府吳山汧源

兩縣今皆省入隴州汧源廢縣在州治東南吳山廢縣在州東南一百三十里汧山在州西四十里隴山亦名隴坂亦曰隴坂亦曰隴首在州西北六十里甘肅秦州清水縣東一百里山高而長北連沙漠南帶汧渭關中四塞此爲西面之險金門山在州南一百四十里又有小隴山在州西八十里一名關山以近隴關而名也山長八十里爲秦鳳要害其頂即分水嶺又案周禮雍州山鎮曰嶽山漢志雍州山是吳山然則吳山卽嶽山矣而史記封禪書言自華以西名山七曰華山薄山嶽山岐山吳嶽鴻臚瀆山則分

吳嶽與嶽山爲二今隴州西四十里有嶢山卽吳山而州南八十里別有嶽山鄭嶠之亦分吳嶽與嶽山爲二或山勢延長一山而有二名講地理者以班志爲最古當是吳卽嶽也胡渭曰吳山漢志雖云在縣西而岡巒綿互延及其南與嶽山只是一山是也又曰自周尊汧山爲嶽俗又謂之吳山或又合稱吳嶽史記封禪書遂析岳山吳岳爲二而汧山之名遂隱則非是封禪書之岳山或以爲卽棺物山漢志作垂山者猶見隸州管待今不知在何岐荆見雍州壺口處耳固未嘗析岳山吳岳爲二也

雷首太岳底柱析城王屋太行恆山皆冀州山壺口

太岳碣石見冀州雷首地志在河東郡蒲坂縣南

首山在今山西蒲州府附郭永濟縣東南十五里括
地志云此山西起雷首東至吳坂長數百里隨地異
名通典云此山凡有八名歷山後漢縣志劉惔野
有歷山所據處其說未詳齊州雷首所據之歷山在今
山東曹州府城東北詳齊州雷首所據之歷山在今首

陽山醴醴嶺嶺薄山襄山甘
東山中條山渠豬山獨頭山也
底柱石在大河中

流其形如柱今陝州陝縣
案陝州今河南之直隸三

門山是也
案砥柱山一名三門山在河南陝州城東

一清曰金氏云趙冬曦曰砥柱山之六峰皆生河之

中流夏后所鑿其最北有兩柱相對距崖而立即所

謂三門也都穆云砥柱在陝州東五十里黃河中

曰神門南曰鬼門北曰人門水行其間聲激如雷而

鬼門尤為險惡舟筏一入鮮有得脫三門之廣約二

十丈其東百五十步即砥柱崇約三丈周數丈以三

門為砥柱者誤又齊召南曰惟人門修廣稍可行舟

宋金履祥則云三門分天門地門人門惟地門不可

過說與各家不同考國史李宏傳三門寬不過七

八十丈又施世綸傳神門在中無緯路若小舟乘東

南風猶或可上鬼門在南水勢洶湧土人從未行舟

人門在北水勢稍緩石崖鑿有緯路路旁鑿有方眼

又有石鼻三門之名及門開之寬當以國史爲定析城地志在河東郡獲澤

縣西今澤州陽城縣也

案澤州今山西澤州府陽城其屬縣縣西北十里有獲澤

漢獲澤縣城在今陽城城西三十里

晁氏曰山峰四面如城

案析城山在陽城西

南七十里方七百里高萬仞

王屋地志在河東郡垣縣東北

案今

絳州垣曲縣

晁氏曰山狀如屋

案王屋山在垣曲縣東北百里河南懷慶府濟源縣

西北九十里兼及山西澤州府陽城縣界沅水所出也山有三重狀如屋又王屋山志山形如王者車蓋

故太行山地志在河內郡山陽縣西北

案太行山列子作大形山

淮南子謂之五行之山隋書地理志謂之母山寰宇記謂之皇母山或名女媧山漢志河內郡下兩見太

行山山陽注曰東太行山在西北王注曰太行山在西北蔡氏但引山陽疏矣漢河內郡今河南懷慶

府府東一百二十里爲所屬之修武縣縣西北六十里漢山陽縣也漢王縣卽今懷慶府治以今地形考之河南懷慶府附郭河內縣北二十里接山西澤州府南界羊腸險道在焉首起河內北至幽州齡縣軼連互十三州之界延袤千數百里有八陁第一軼關陁在河南懷慶府濟源縣西北十五里第二太行陁在河內縣西北三十里一名丹陁第三白陁在河南衛輝府輝縣西五十里第四濇口陁在河南彰德府武安縣東南二十里第五井陁在直隸正定府井陘縣東北五十里第六飛狐陁在直隸易州廣昌縣北二十里第七蒲陰陁在易州鵠棚陁第八軍都陁在順天府昌平州西北二十里

志在常山郡上曲陽縣西北案漢常山郡今直隸正定府上曲陽今直隸定州曲陽縣恆山在縣西北百四十里又西北接山西大同府渾源州卽北岳也恆山之頂名天峰嶺在渾源州境嶺下建北岳觀觀側有飛石窟上建后土祠以鎮之觀前風如虎吼名虎風口逾者馬

自荆山而過於河也

案呂祖謙曰人逾非山通

孔氏以爲荆山之

脈通河而爲壺口雷首者非是

案疏曰汧岐荆三山皆在雍州通于河謂

山通之也此處山勢相望越河而東

蓋禹之治水隨山刊木其所表識

諸山之名必其高大可以辨疆域廣博可以奠民居

故謹而書之以見其施功之次第初非有意推其脈

絡之所自來若今之葬法所言也若必實以山脈言

之則尤見其說之謬妄蓋河北諸山根本脊脈皆自

代北寰武嵐憲諸州

案寰今山西朔平府朔州武今山西寧武府神池縣嵐今山西

太原府嵐縣憲今山西忻州靜樂縣

乘高而來其脊以西之水則西流

以入龍門西河之上流其脊以東之水則東流而爲

桑乾幽冀以入於海

案桑乾古曰治水亦曰濕水亦曰壘水今名永定河源出山西

朔平府朔州西五十里之洪濤山流至大同府應州與渾河合故桑乾河又名渾河流至居庸關西百里行山中二百餘里至順天府宛平縣西境水出峽湍急奔放俗又名爲小黃河經都城彰義門西三十里蘆溝橋下至良鄉縣之東元明之際填淤沖決遷徙不一康熙三十七年于成龍重開一直道由固安縣以達西沽至大沽合直隸各河入海賜其西一支爲名永定河今俗稱固安河 潮菰艸驕其西一支爲壺口太岳次一支包汾晉之源而南出以爲析城王屋而又西折以爲雷首又次一支乃爲太行又次一支乃爲恆山其間各隔沁潞諸川不相連屬豈自岍

岐跨河而爲是諸山哉山之經理者已附於逐州之下於此又條列而詳記之而山之經緯者可見矣王鄭有三條四列之名皆爲未當

案書疏引鄭玄曰四列導岍爲陰列西傾

爲次陰列岍爲次陽列岷山爲正陽列又引馬融曰三條導岍爲北條西傾爲中條岍爲南條三條之說實出於馬而陳棣書傳纂疏以爲是王肅語蔡氏亦以爲王並誤

今據導字分之

以爲南北二條而江河以爲之紀於二之中又分爲二焉此北條大河北境之山也

案徐文靖曰考工記凡天下之地勢兩山之閒必有川焉凡溝逆地防謂之不行

案防音勑說文地理也

注防脈理

也不行謂決溢也呂氏春秋禹周行寓內脈地理名

金石蘇氏曰地之有山猶人之有脈有近而不相屬

者有遠而相連者雖江河不能絕也孔氏地脈之說

正未可廢也班氏地志有南條荆山

案見南郡臨沮自注北條

荆山

案見左馮翊襄德自注

張昶華嶽碑序布五方則處其西

列三條則居其中三條之說自古有之不始於王肅

也

案朱子語類問味別地脈之說如何曰禹治水不知是要水有所歸不爲民害還是只要辨味點茶

如陸羽之流尋脈踏地如後世風水之流耶蔡氏本之以抹撮孔傳似乎太過矣

西傾朱圉鳥鼠至于太華熊耳外方桐柏至于陪尾

案西

顧漢書作西頃朱圉漢書作朱圉陪尾史記作員尾漢書作倍尾師古曰倍讀曰陪

蔡傳西頃朱圉鳥鼠太華雍州山也熊耳外方桐柏

陪尾豫州山也

案熊耳一山跨雍豫二州境陪尾既在安陸則荊州界也蔡氏皆謂爲豫

州山承孔西頃見梁州朱圉地志在天水郡冀縣南傳之誤也

案漢書地理志天水郡冀注再貢朱圉山在縣南梧

中聚在今甘肅鞏昌府伏羌縣西南三十里漢冀縣

故城在今縣

城南五十步今秦州大潭縣也

案古大潭縣故城在今鞏昌府西和縣西

南三里蔡氏謂

俗呼爲白巖山

案水經禹貢山水澤地所在篇朱圉在天

水北冀城南注山有石鼓開山圖謂之天鼓山九州

害起則鳴有常應又云石鼓山有石鼓於星爲河鼓

星動則石鼓鳴石鼓鳴則素土有殃鳴淺殃萬物鳴

深則殃君王矣閭若璩曰吾嘗親經其山在今伏羌

縣西南三十里山色帶紅石勒四大字曰禹奠朱圉
今伏羌縣西南五十里有天鼓山或云卽朱圉之別
峰未知鳥鼠見雍州太華地志在京兆華陰縣南漢

是否

書地理志京兆尹華陰注太華山在南有祠

熊耳在

豫州山詳梁州華陽黑水惟梁州下案語熊耳在

商州上洛縣

案熊耳在今河南陝州盧氏縣西南五
十里接陝西商州界

熊耳雖

東西異名其實一山故班固曰在盧氏郭璞曰在上
洛蔡氏以班固爲非是誤也詳見豫州伊洛驪澗下
案詳見豫州外方地志潁川郡密高山古文以爲外

語

方案漢書地理志潁川郡密高山注武帝置以奉太室

方山是爲中岳有太室少室山廟古文以密高爲外

方山也師古曰密古崇字鄭詩譜曰外方之山卽嵩

也古無以爲中岳者堯咨四岳舜巡狩四岳左傳司

馬侯曰四嶽三塗陽城太室荆山中南九州之險也

言四嶽而太室不與不以嵩高爲嶽也至爾雅乃言

嵩高爲中嶽謂之太室嵩高而稱中岳少室則仍其本名或曰嵩少水經注載延之西征記東曰太室西曰少室相去十七里嵩高其總名也嵩岳在今河南河南府登封縣北十里中爲峻極峰左右各十二凡二十四峰少室三十六峰嵩山東接開封府密縣西接洛陽縣謂之嵩山北接鞏縣謂之鞏山南有陸渾山一名方山先儒或以爲外方山唐書地理志曰陸渾山一名方山桐柏地志在南陽蓋古外方云其說非是不可從

平氏縣東南

案漢書地理志南陽郡平氏注禹貢桐柏大復山在東南史記索隱曰桐柏一

名大復山漢平氏縣城在今河南南陽府桐柏縣西北四十里桐柏山在今縣東一里其山東接湖北德安府隨州西接襄陽府東陽縣界峰巒奇秀上有玉女卧龍紫霄翠微蓮花諸峰胎簪山在縣西北三十里大復山在縣東三十里水經曰淮水出南陽平氏縣胎簪山東北過桐柏山注曰潛流地下三十許里

東出桐柏之大復山南謂之陽口山南有淮源廟水道提綱曰淮水出桐柏縣西南桐柏山在縣西南九十里勸一雙嶺山嶺一名大復山大復胎簪皆桐柏之支峰也有淮井成蓉鏡曰沈氏彤尋淮源記云桐柏山綿互百里有紫霄翠微玉女卧龍蓮花諸名其道南最西一峰則曰胎簪水經所謂平氏縣胎簪山也有泉出其陰北流至平地分二道鄴注所謂西流爲滎東流爲淮者也泉之旁有池方七尺許俗謂之淮井漢志桐柏大復山蓋統胎簪以東諸峰言之後人名最西一峰曰胎簪餘峰多別爲之號而最東一支遂專大復之名矣案沈說是也傅氏集解云胎簪山卽桐柏也後世又別名之耳禹貢導淮自桐柏不應桐柏非淮所出是宋儒已有此說自水經云淮水出胎簪山東北過桐柏山分胎簪桐柏爲二而荊州記復以水經之胎簪爲桐柏桐柏爲大復規諸意在傳合禹貢而不知胎簪卽古桐柏大復之一支也淮源同源處今名分水陪尾地志江夏郡安陸嶺餘詳導淮自桐柏下案語

縣東北有橫尾山古文以爲陪尾案鄭康成注曰陪尾在江夏安陸東

北若橫尾者說與班志同孔傳曰四山相連東南在
豫州界洛經熊耳伊經外方淮出桐柏經陪尾疏曰
是四山接華山而相連東南皆在豫州界也漢之江
夏安陸今湖北德安府附郭安陸縣也橫尾山在縣
東北六十里俗名爲橫山然非淮水所經而今山東
兗州府泗水縣東南五十里亦有陪尾山爲泗水所
出地理通志云於濟南縣抵魯國注謂諸不羣水經輿地記
載此水北入引博物志曰有陪尾山賈公彥書雖亦
章氏始據隋文外誌可證西經之水歸尾雖亦
非淮水所經而淮泗相通尚可牽就以附會孔傳於
是毛晃禹貢指南曰博物志泗出陪尾卽斯岸也吳
澄書纂曰唐志泗水縣有陪尾山泗水出焉蓋是山
也以橫尾爲陪尾者非是朱鶴齡禹貢長箋曰凡言
至于者以相去之遠也太華去鳥鼠遠故曰至于則
陪尾亦應遠觀經文導淮自桐柏東會于泗沂其爲
徐州之陪尾明矣以上各說蔣氏尙書地理今釋胡

氏禹貢雖指徐氏禹貢會箋夏氏禹貢彙覽丁氏禹
貢集釋并從之惟王氏尚書後案則以爲泗水縣之
陪尾乃又一陪尾非禹貢之陪尾焦氏禹貢鄭注釋
伸王氏之說曰竊謂導山四列不及岱山蓋以青兗
徐之山皆岱宗之脈所盤結不必尋而導之故不言
也泗水縣下故賈疏言之無論緯書之言不足徵信卽
今泗水所出真有陪尾亦自別於安陸之陪尾緯書
言泗水陪尾正明其非安陸陪尾矣陪尾在兗州則
正岱山之脈所衍不得爲太華之支矣緯以星土言
此以地脈言據爲典要可云戾矣然則言導山之西
陪尾者當以尚書後案爲是他說皆不可從也
傾不言導者蒙導嶭之文也此北條大河南境之山
也

導嶭冢至于荆山內方至于大別

蔡傳蟠冢卽梁州之嶠也山形如冢故謂之嶠冢詳

見梁州

案詳梁州岷嶠既藝下案語

荆山南條荆山地志在南郡

臨沮縣北

案荆山在湖北襄陽府南漳縣西北八十里詳荆州案語

內方大別亦

山名內方地志章山古文以爲內方山在江夏郡竟

陵縣東北

案漢書地理志江夏郡竟陵注章山在東北古文以爲內方山鄭康成注地理志內

方在竟陵名立章山續漢郡國志江夏郡竟陵縣立

章山本內方

岷嶠雖犂漢竟陵縣故城在今湖北安陸府天門縣西內方山則在今鍾祥縣西駸騫驪接

荆門州界內方在州東南一百八十里周迴百里一

名章山又名馬仰山

又名馬良山又名馬左傳吳與

左傳吳與

楚戰

案定公四年吳自豫章與楚夾漢

楚濟漢而陳自小別至于大

別蓋近漢之山今漢陽軍漢陽縣北大別山是也

案

書地理志六安國安豐注禹貢大別山在西南鄭康
成注大別在廬江安豐縣譙縣體陽體杜預
注左傳曰二別近漢之山無緣在安豐譙縣體陽體杜預
輟水經注沔水篇案地說言漢水東行觸大別之阪
南與江合則與尚書杜預相符但今不知所在矣又
江水篇注曰江水又東逕魯山南古翼際山也地說
曰漢與江合於衡北翼際山旁者也山左卽沔水口
矣以地形驗之正漢入江處則魯山卽翼際卽大別
無疑況地說又有漢觸大別之阪南與江合之語可
爲證乎道元心以杜預爲然而未敢明言班鄭之非
耳至唐元和郡縣志乃直曰魯山一名大別山在漢
陽縣東北一百步其山前枕蜀江北帶漢水山上有
吳將魯肅祠顧祖禹胡渭並從之是也後儒偏護漢
學者以康成謂大別在安豐遂斥元和志爲唐人妄
說然則水經注所引地說亦唐人妄說乎謬矣或又
謂地說云漢水觸大別之阪觸者僅漸及之非水直

至山下以爲大別不妨遠在安豐之證然古之言觸者如易曰羝羊觸藩荀子曰觸之者角摧揚子太玄經曰星辰不相觸漢書曰去禮義觸刑法凡所言觸皆係直至安得詰爲漸及乎洪亮吉卷苑閣集有釋大別一篇申班鄭以難杜李論之尤力茲皆不取今大別山在湖北漢陽府附郭漢陽縣城東北百步漢江兩岸江水逕其南漢水從西北來會於大別之東南其小別山在漢陽南十里山形如甌故又名爲甌山地志水經云在安豐者非是此南條江漢北境之山也

岷山之陽至于衡山過九江至于敷淺原

岷山史記作汶

蔡傳岷山在梁州案胡渭曰古今言岷山者凡四處一在今四川松潘衛據齡轍衛東南去布政司七百六十里螺齡螺齡細細荆荆衛衛史記作汶山封禪書云自華山以西名山七有瀘山蜀之汶山也

華陽國志云岷山一名天焦山其跼曰羊膊嶺江水所出水經注岷山在蜀郡岷山道卽賈山也又云汶阜山在徼外江水所導此皆謂在松潘者也一在今成都之茂州縣始改曰廣陽隋又改曰汶山山海經注云岷山在廣陽縣水經注云汶水出汶江道徼外嶠山玉輪坂下元和志汶山縣有汶山卽岷山去青城山百里卽隴山之南首張栻西岳碑云岷山在茂州列鵝村其跼曰羊膊也輿地廣記云岷山在汶山縣西北俗謂之鐵豹嶺王氏地理通釋云大渡河一名羊山江源出鐵豹嶺卽羊膊之異名也此皆謂在茂州者也一在成都府之灌縣縣本漢縣屬郫江原三縣地周武帝分江原置青城縣杜光庭成都記云岷山連峰接岫千里不絕灌縣青城乃其第一峰也縣志云汶山在縣北三十里蓋卽青城矣一在陝西岷州衛蒧齡鞞鵠驪本漢隴西郡地西魏置溢樂縣今衛治卽其故城括地志云岷山在岷州益樂縣南連綿至蜀幾二千里皆名岷山元和志云岷

山在溢樂縣南一里此皆謂在岷山衛者也然則岷
山最大志家各就其所在言之漢志云山在徼外則
固不可以前氏一縣限之矣大抵岷山北起於溢樂
實跨古雍州之境而南則訖於青城綿地千餘里與
太行伯仲或專指在松潘亦非篤論然大江所出則
必直前氏道西徼外者也徐文靖曰案四川志岷山
在茂州之列鵝村一名鴻濛爲隴山之南首諫韜一
蓋輅岷山與鵝村一名鴻濛爲隴山之南首諫韜一
帶南出爲大渡之源又包青衣以東馬湖江黔江諸
源錄精於林許綵州蔡驁城坪下案語馬湖江在
日外作湖相屬昔有龍驤見於此止二里與江能
水之爲衡山餘詳梁衡山南嶽也地志在長沙國湘
州岷嶺既藝下案語
南縣案詳見荆及衡陽九江見荆州敷淺原地志云
惟荆州下案語

豫章郡歷陵縣南有博易山古文以爲敷淺原

案敷淺原

見揚州下金仁山曰一段注中案語朱子以傳陽山小而庫敷淺原當是廬山然爾雅云高平曰原禹貢太原東原原隰皆高平之地廬山乃大山似未可以爲原朱鶴齡謂傳陽本高平之地後人名之爲山耳胡渭曰水經注引孫放廬山賦曰尋陽郡南有廬山臨彭蠡之澤接平敞之原是廬山下固有平原也山今跨德化星子二縣之境騾孫放所謂平敞之原乃星子地本歷陵而敷淺原卽孫放所謂平敞之原乃廬山東南之麓瀕於彭蠡澤者然則無庸以小而庫爲嫌也又成蓉鏡曰明輿地圖饒州府治鄱陽縣之西有敷淺二字以地望測之今北珠湖土湖西湖之西鄱陽湖之東有平原長數十里卽其地如胡氏之說平敞之原尙是廬山之麓如成氏之說則東越鄱陽湖去廬山遠矣而近代除講漢學者皆宗朱子廬山之說

晁氏以爲在鄱陽有博陽山者非是又有歷陵山爲應地志歷陵之名然鄱陽漢舊縣地不應又爲

諸

歷陵縣山名偶同不足據也江州德安雖爲近之然

所謂敷淺原者其山甚小而庫亦未見其爲在所表

見者

案語本朱子九江彭蠡辨

惟廬阜在大江彭蠡之交最高且

大宜所當紀者而皆無考據恐山川之名古今或異

而傳者未必得其真也姑俟知者過經過也與導畧

逾于河之義同孔氏以爲衡山之脈連延而爲敷淺

原者亦非是蓋岷山之脈其北一支爲衡山而盡於

洞庭之西其南一支度桂嶺北經袁筠之地

案宋袁州今江

西袁州府宜春縣宋筠州今江西瑞州府

至德安所謂敷淺原者二支之

閒湘水閒斷衡山在湘水西南敷淺原在湘水東北
其非衡山之脈連延過九江而爲敷淺原者明甚且
其山川岡脊源流具在眼前而古今異說如此況殘
山斷港歷數千百年者尙何自取信哉岷山不言導
者蒙導嶓冢之文也此南條江漢南境之山也

案顧炎武天下郡國利病書曰自昔堪輿家皆云天
下山川起崑崙分三龍入中國然不言三龍盛衰之
故蓋龍神之行以水爲斷深山大谷豈足迹能徧惟
問水則知山崑崙據地之中四旁山麓各入大荒外

入中國者一東南支也又於塞外分三支左支環陰
山賀蘭入山西起太行數千里出盤巫閭渡遼海而
止爲北龍中支循西蕃入趨岷山沿岷江左右出江
右者敘州而止江左者北去趨關中脈系大散關左
渭右漢中出爲終南太華下太岳起嵩山右轉荆山
抱淮水左落平原千里起泰山入海爲中龍右支出
吐蕃之西下麗江趨雲南繞霑益貴竹關嶺案關嶺
指或謂是湖南辰州府附
郭沅陵縣西辰龍關侯考而東去沅陵分其一由武
岡出湘江西至武陵止又分其一由桂林海陽山案
海

陽山在廣西桂林府興安縣南九十里

過九疑衡山山湘江東趨匡廬

止又分其一過庾嶺渡草坪去黃山天目三吳止過

庾嶺者又分仙霞關至閩止

案仙霞嶺在浙江衢州府江山縣南一百里

分衢爲大拌山

案此句有脫誤以原書乃聚珍板別無善本可校對姑照錄之右

下括蒼

案括蒼山在浙江台州府城西北四里處州府緡雲縣東南一百里左去爲天台

四明

案四明山在浙江寧波府附郭鄞縣西南百五十里渡海而止總爲南龍

也宋儒乃謂南龍與中龍同出岷山沿江而分蓋宋

畫太渡河爲守而棄溟雲當時士大夫游轍未至故

不知而臆度之也今金沙江源出吐蕃犂牛河入溟

下川江則已先於塞外隔斷岷山矣故南龍不起岷
山也古今王氣中龍最先發最盛而長北龍次之南
龍向未發自宋南渡始其發而久者宜少閒歇其新
發者當全涌何疑何以見其然也洪荒方闢伏羲都
陳少昊都曲阜顓頊都牧犢周自后稷以來起岐山
豐鎬生周公孔子秦又都關中漢又都之唐又都之
宋又都汴故曰中龍先而久黃帝始起涿鹿堯都平
陽舜都蒲坂禹都安邑其後盡發於塞外獫狁冒頓
突厥夷狄之王最後遼金至元亦入主中國故曰北

龍次之吳越當泰伯之時猶然被髮文身楚入春秋
尚爲夷服孫吳司馬晉六朝稍王建康僅偏安一隅
亦無百年之主至宋高宗南渡立國百餘年我太祖
系謂明方纔混一故曰南龍王方始也或謂雲貴東
太祖

西廣皆南龍而獨盛於東南何也曰雲貴兩廣皆行
龍之地前不云乎南龍五支一止於武陵荆南一止
於匡廬一止於天目三吳一止於越一止於閩咸遇
江河湖海而止不前則必於其處踴躍潰出而不肯
遽收宜今日東南之獨盛也然他日東南盛而久其

勢未有不轉而雲貴百粵如樹花先開必於木末其
髓盛而花不盡者又轉而老幹內時溢而成萼薇桂
等花皆然山川氣甯與花木異故中龍先陳先山阜
而後轉而關中北龍先涿鹿先晉陽而後亦轉塞外
今南龍先吳楚閩越安得他日不轉而百粵鬼方也
或曰齊魯亦中龍之委也乃周孔而後聖人王者不
生意先輩秀穎所鍾多矣曰固然然亦黃河流斷其
地脈故也河行周秦漢時俱河閒入海河閒者禹九
河之間也故齊魯爲中龍自隋煬帝幸江都引河入

汴河竟委惟將齊魯地脈流隔尙得泰山塞護海東

王氣不絕故猶有列侯將相而英賢不作聖王不興

意以是乎

此篇本明人王士性五岳游草地脈篇順氏收入郡國利病書孔傳以禹之導山爲

理地脈因錄此篇於後以廣見聞

又案新唐書天文志一行以爲

案一行僧也造大衍曆者

天下山

河之象存乎兩戒北戒自三危積石負終南地絡之

陰東及太華逾河並雷首底柱王屋太行北抵常山

之右乃東循塞垣至滅貊朝鮮是謂北紀所以限戎

狄也南戒自岷山嶓冢負地絡之陽東及太華連商

山熊耳外方桐柏自上洛南逾江漢據武當荆山至
于衡陽乃東循嶺徼達東甌閩中是謂南紀所以限

蠻夷也故星傳謂北戒爲胡門南戒爲越門

案北戒南戒卽

南方朱鳥七宿井宿度內之北河南河兩星也

河源自北紀之首循雍州北

徼達華陰而與地絡相會並行而東至太行之曲分

而東流與涇渭濟瀆相爲表裏謂之北河江源自南

紀之首循梁州南徼達華陽而與地絡相會並行而

東及荆山之陽分而東流與漢水淮瀆相爲表裏謂

之南河

蔡氏於導山分南北二條錄此兩戒備參

禹貢易知編卷十補註

導岍及岐蔡傳秦嶺山 山在陝西鳳翔府隴州西南

六十里甘肅秦州東南三百里

恆山蔡傳下 名山記曰恆山高三千九百丈上方三

十里周迴三千里有五名一曰蘭臺府二曰列女宮

三曰華陽臺四曰紫微宮五曰太乙宮沈括夢溪筆

談曰北岳恆山一名大茂山宋以大茂山脊與遼分

界